

## CADFAN (fl. 620), tywysog

**Enw:** Cadfan

**Plentyn:** Cadwallon ap Cadfan

**Rhiant:** Iago ap Beli

**Rhyw:** Gwryw

**Galwedigaeth:** tywysog

**Maes gweithgaredd:** Milwrol; Gwleidyddiaeth a Mudiadau Gwleidyddol; Teuluoedd Brenhinol a Bonheddig

**Awdur:** John Edward Lloyd

Mab Iago ap Beli (bu farw 613) o linach [Maelgwn Gwynedd](#). Gwyddys iddo deyrnasu dros Wynedd, ond nid oes dim arall o'i hanes ar gael. Y mae ei garreg fedd (dechrau'r 7fed ganrif) yn eglwys Llangadwaladr, sir Fôn, ac arni'r arysgrif: 'Catamanus rex sapientissimus opinatissimus ("mwyaf enwog") omnium regum.' Rhydd traddodiad le iddo ym mucheddau'r [santes Gwenffrewi](#) a'r [sant Beuno](#); ffug gan mwyaf ydyw'r hanes a geir gan [Sieffre o Fynwy](#) amdano, eithr y mae'n bosibl credu mewn rhan y dywediad iddo roddi lloches i Edwin o Ddeira pan gofir un o'r trioedd sydd yn disgrifio'r g r o Northumbria yn un o dri gormeswr ar sir Fôn a fagwyd ar yr ynys.

Cadfan oedd tad [Cadwallon](#), arweinydd y Cymry yn ymladdfeydd yr oes nesaf.

### Awdur

Syr John Edward Lloyd, (1861 - 1947)

### Ffynonellau

J. E. Lloyd, *A History of Wales from the Earliest Times to the Edwardian Conquest* (London 1911), 181-3

*An Inventory of the Ancient Monuments in Anglesey* (1937), xcv, civ, cxv, pl. 19, 87

*The Historia Regum Britanniae of Geoffrey of Monmouth* (1929), xii, 1

*The Myvyrian Archaiology of Wales (1801-1807)*, i, 140

*The Myvyrian Archaiology of Wales (1801-1807)*

### Darllen Pellach

Erthygl Wicipedia: [Cadfan ap Iago](#)

### Dolenni Ychwanegol

Wikidata: [Q2011924](#)

Dyddiad cyhoeddi: 1953

Hawlfraint Erthygl: <http://rightsstatements.org/page/InC-RUU/1.0/> 

Mae'r Bywgraffiadur Cymreig yn cael ei ddarparu gan Lyfrgell Genedlaethol Cymru a Chanolfan Uwchefrydiau Cymreig a Cheltaidd Prifysgol Cymru. Mae ar gael am ddim ac nid yw'n derbyn cymorth grant. Byddai cyfraniad ariannol yn ein helpu i gynnal a gwella'r wefan er mwyn i ni fedru parhau i gyd'nabod Cymry sydd wedi gwneud cyfraniad nodedig i fywyd yng Nghymru a thu hwnt.

Ewch i'n [tudalen codi arian](#) am ragor o wybodaeth.

